

Masomo Kutoka kwa Watu wa Kabla ya Gharika,

Bali ninyi, wapenzi, mkijijenga juu ya imani yenu iliyotakatifu sana, na kuomba katika Robo Mtakatifu jilindeni katika upendo wa Mungu, buku mkingojea rehema ya Bwana wetu Yesu Kristo, bata mpate uzima wa milele. Yuda 20, 21.

Tazama picha ambayo ulimwengu unaionesha leo. Udanganyifu, ulaghai, kufilisika, vurugu na umwagaji wa damu upo kila mahali. Wajane na yatima wananyang'anywa mali zao zote. Michezo, mashindano ya mbio za farasi na burudani za kila aina zimeteka akili za watu. Ndani ya kanisa, dhambi imekuwa ni mtindo wa maisha. Dhambi zinafunikwa na kutolewa udhuru. Nguvu ya ushirika imekabidhiwa kwa watu ambao huleta nadharia na mawazo ya uongo. Hivyo utambuzi na hisia vimehafifishwa kuhusiana na kile kilicho kanuni sahihi. Dhamiri zinashindwa kutambua mashauri na maonyo yanayotolewa. Nuru itolewayo, ikitoa wito wa toba, umefunikwa na wingu zito la kutokuamini na upinzani unaoletwa na mipango na uvumbuzi wa mwanadamu.

Wakazi wa ulimwengu wa kabla ya gharika walipewa onyo kabla ya anguko lao; lakini onyo hilo halikuzingatiwa. Walikataa kusikiliza maneno ya Nuhu; walidhihaki ujumbe wake. Watu wenye haki waliishi katika kizazi kile. Kabla ya uharibifu wa ulimwengu wa kabla ya gharika, Henoko alitoa ushuhuda kwa uthabiti. Na katika maono ya unabii aliona hali ya ulimwengu ya wakati uliopo. Alisema, "Angalia, Bwana alikuja na watakatifu wake, maelfu maelfu, ili afanye hukumu juu ya watu wote wasiomcha Mungu, na kwa ajili ya maneno magumu yote ambayo hao wenye dhambi wasiomcha Mungu wameyanena juu yake. Watu hawa ni wenye kunung'unika, wenye kulalamika, waendao kwa tamaa zao, na vinywa vyao vyanena maneno makuu mno ya kiburi, wakipendelea watu wenye cheo kwa ajili ya faida." Yuda aliacha ushuhuda kwa waaminio: "Bali ninyi, wapenzi, yakumbukeni maneno yaliyonenwa zamani na mitume wa Bwana wetu Yesu Kristo, ya kwamba waliwaambia kuwa, wakati wa mwisho watakuwepo watu wenye kudhihaki, wakizifuata tamaa zao wenyewe za upotevu. Watu hao ndio waletao matengano, watu wa dunia hii tu, wasio na Roho." (Yuda 15-19) (The Review and Herald, Novemba 1, 1906).

Mungu aliamua kuusafisha ulimwengu kwa gharika; lakini kwa rehema na upendo aliupa ulimwengu wa kabla ya gharika rehema ya miaka mia moja na ishirini. Katika wakati huu, wakati safina ikijengwa, sauti ya Nuhu, Methusela na wengine wengi ilisikika ikionya na kusihi na kila nyundo iliyogonda juu ya gharika ilikuwa ni ujumbe wa onyo...

Hubiri lililotolewa na Henoko na kuhamishwa kwake kwenda mbinguni ilikuwa ni hoja ya usadikisho kwa wenye uhai wote walioishi wakati wa Henoko. Ilikuwa ni hoja ambayo Methusela na Nuhu wangeweza kuitumia ili kuonesha kuwa wenye haki wangeweza kuhamishwa (The S.D.A. Bible Commentary, Ellen G. White Comments 1:1088).